



**Naalackersuisut UKA17-mut Nunatta nunatut issittumiittutut inissisimanagera
nunararmioqatigiinnilu inissisimanagerput pillugu politikikkut periarfissarisai
aallaavigalugit, Issittoq pillugu periusissiamik suliaqarnissaannik Inatsisartut
aalajangiiffissaattut siunnersuut.**

(Inatsisartunut ilaasortaq Sara Olsvig, Inuit Ataqatigiit)
(Siullermeenera)

Nunanut allanut tunngasutigut naalackersuinikkut ingerlatsineq pillugu nassuiaat ukiut tamaasa Naalackersuisunit saqqummiunneqartarpoq kingornalu maani Inatsisartuni oqallisigineqarluni. Oqallinneq taanna atorlugu partiit ukiumi tullittumi nunanut allanut tunngatillugu suliaassanut siunnersuutitik isumassarsiatillu saqqummiuttarpat - aamma Issittumi sulineq suliallu pillugit. Nunanut allanut tunngasutigut naalackersuisunikku ingerlatsineq pillugu nassuiaat immikkoortartaqartarpoq Issittumi suleqatiginnermut tunngasumik.

Demokraatini isumaqarpugut atorfillit issittoq pillugu pingaarnersiutittarnissaat piffissarlu ungasinnerusoq isigalugu pilersarusiortittarnissaat pisariaqanngitsoq - ullumikkummi Naalackersuisut atorfillillu nunanut allanut politikimik suliaqarnermini Issittoq eqqarsaatiminniitittuartaqartarpat pissutigalugu Kalaallit Nunaata Issittumi pingaaruteqarluinnartutut inissisimanagera.

Nassuiaasiortitsisarnerput pilersarusiortitsisarnerpullu naliginnaasumik mianersuuttariaqarparput sualummik pineqartillugit immikkoortut nassuiaatini pilersaarutinilu allani allaaserineqareersut. Puullaqisitsiinnartarmat paatsuugalersitsiinnartarlunilu. Tamanna tunngavigalugu inassutigaarput siunnersuutip itigartinneqarnissaa, Naalackersuisulli kaammattussavagut ukiup tullia aallarnerfigalugu Nunanut allanut tunngasutigut naalackersuinikkut ingerlatsineq pillugu nassuiaammik Issittumi suleqatigiinneq pillugu immikkoortoq annertuseqqullugu.